

25.10.2021թ.

ք. Երևան

ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 034335/09

ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ

ԵՍ՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով

25.10.2021թ. թիվ 34335 վարչական իրավախախտման վերաբերյալ արձանագրությունը, քննելով թիվ _____ վարույթը և կից նյութերը,

ՊԱՐԶԵՑԻ

Համաձայն ՀՀ պետական եկամուտների կոմիտեի հարկ վճարողների ընթացիկ հսկողության հարկային տեսչություն-վարչության 22.07.2021թ. թիվ 3004805 ակտի՝ «ՆԵՈ-ԼԱԲ» ՍՊԸ-ի տնօրեն Սուսաննա Միրզաբեկյանը (ՀՎՀՀ՝ 00125811, հասցե՝ ք. Երևան, Աջափնյակ, Սիլիկյան թղմ. Քոթեջատիպ տնակ) հաշվապահական հաշվառումը վարել է այնպիսի խախտումով, որը առաջացրել է հարկի նվազեցում:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը ներկայացրել է դիմում առ այն, որ համաձայն ՀՀ ԱՆ ԻԱ պետական ռեգիստրի տեղեկանքի՝ 29.09.2021թ. թիվ 3 որոշմամբ «ՆԵՈ-ԼԱԲ» ՍՊԸ-ն համարվում է լուծարված, ուստի խնդրել է հաշվի առնել կազմակերպության 2018թ. հուլիս ամսից գործունեության իրականացման դադարեցված լինելու, հաշվետվությունը սխալմունքով ուղարկելու և իրենց կողմից պակաս վճարված հարկը ամբողջությամբ վճարված լինելու հանգամանքները և կարճել վարչական վարույթը:

Գործի քննության ընթացքում կատարված ուսումնասիրությունների ընթացքում պարզ է դարձել, որ Ընկերությունը 2018թ. ապրիլ ամսին դուրս է գրել հաշվարկային փաստաթուղթ, որով 2018թ.-ի երկրորդ եռամսյակի համար հարկային մարմին ներկայացրած շրջանառության հարկի հաշվարկում պակաս եկամուտ է հայտարարագրել, որի արդյունքում շրջանառության հարկի պակաս ցույց տրված գումարը կազմել է ընդամենը 12.326 ՀՀ դրամ:

Հաշվի առնելով վերոգրյալը և նկատի ունենալով, որ Սուսաննա Միրզաբեկյանը հաշվապահական հաշվառումը վարել է այնպիսի խախտումով, որը առաջացրել է նվազ հարկի գումար՝ 12.326 ՀՀ դրամ և վարչական իրավախախտումը նվազ նշանակություն ունի, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282 հոդվածի 1-ին մասի 2-րդ կետով, «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածի՝

ՈՐՈՇԵՑԻ

1. Սուսաննա Միրզաբեկյանին ազատել վարչական պատասխանատվությունից և հայտարարել բանավոր դիտողություն:
2. Սուսաննա Միրզաբեկյանի վերաբերյալ հարուցված թիվ _____ վարչական վարույթը կարճել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝
Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)
Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա ընթացքում: Նշված ժամկետով հարգելի աստիճաններով ռուս լեզվի վրա: